



Biologit siunnersuinerisa eqikkarneqarnera Raajat

Nuuk 9. november 2009

Journal.: 20.00-11/2009

Brevnr.:

## **2010-mi Kitaani Tunumilu raajat pillugit biologit siunnersuutaat**

Matumuuna 2010-mi raajartassat pillugit biologit siunnersuutaat nassiunneqarput. Siunnersuutit Kitaani Tunumilu siunnersuutit NAFO/ICES-ip ataatsimiinnera kingulleq 21.–29. oktober 2009-mi pisoq aallaavigalugu suliaapput.


### **Kitaani raajat:**

Kitaata raajai 2005-imiit 2008-mut ikiliartorsimapput. Paasissutissani 2009-meersuni taku-neqarsinnaavoq (takuuk titartagaq 2) ikiliartornerat unissimasoq, ukiunili qassiini **raajaaq-qat pinngorartut** ikittuararsuusarsimammata aammalu **raajat siammarsimaffiat** annikillisi-mammata (takuuk titartagaq 4) suli aarlerinartoqarpoq naliliisarnermilu uuttuutigineqartoq nalornisigineqalerluni. Taamaammata NAFO-p kaammattuutigaa 2010-mi pisassat 110.000 tonsinut ikilineqassasut, tassa 2009-mut pisassiissutigineqartut amerlassusillit. Pisassat 110.000 tonsiuppata raajat nammassinnaasaannik qaangiisoornissaq ilimanaateqannginnerussaaq.


Raajat amerlassusiinik naliliinermi kisitsisigut uuttuut **raajanik saarullinnit nerineqartar-tunik** ilanngullugu naatsorsuiffiusoq atorneqarpoq. Saarullit (Kitaata avataaniittut) 2009-mi 2008-mut sanilliullutik ikileriarujussuarsimapput (87 %), tamannalu 2009-mi raajat 2008-misut amerlassuseqaannarnerannut pissutaaqataassangatinneqarpoq.

Pisat tamarmiusut (takuuk titartagaq 1) ukiuni 2005-2008 ukiumut 150.000 tonsit missaan-nik amerlassuseqartarput (taakkunani 4 %-init ikinnerusut canadamiut oqartussaaffianni). 2009-mi pisat 135.000 tonsinut ikileriassangatinneqarput 2009-mi nunatta imartaani pisa-siissutit ikinnerulersimanerat pissutigalugu kiisalu canadamiut tamaani aalisarunnaarsima-nerat pillugu.


Ilanngussaq 1 tassaavoq NAFO-p siunnersuutaasa tuluttut eqikkarnerat. Pinngortitaleriffik katillugit arfinilinnik allakkiorsimavoq saqqummiussaqaarlunilu siunnersuinermit tunngavineqartunik.




Titartagaq 1. Pisat tamarmiusut.



Titartagaq 2. Raajat pinngorartut (raajaaqqat aalisarneqarsinnaalerumaartut)



Titartagaq 3. Kujasinnerusumi avannarpassinnerusumilu raajat siammarsimaffii.



Titartagaq 4. Amerlassusiisa allanngorarneri 1975–2010.

### Tunumi raajat:

2010-mi Tunumi raajat pillugit siunnersuut 12.400 tonsiupput, tassa siorna siunnersuutit assigalugit. Pisassiissutit 2004-milli 12.400 tonsiutinneqarsimapput. Piffissami 2004-2008-mi pisat 10.000 tonsinit 3.118 tonsinut ikileriarsimapput, 2009-mili oktoberip tungaanut 5.000 tonsinut qaffariarsimallutik.

Siunnersuutit paasissutissanik aalisarnermit pisunik (pisanik nalunaarsuiffinnik) tunngaveqarput. Pisatigut malunnarpoq raajat aalaakaasumik amerlassuseqartut, pisarineqartartulli raajat amerlassusiinik ilumut ersersitsisuunersut ilisimalluarneqanngilaq. Nalornineq pisat ikiliartornerata aningaasanik raajalluunniit ikiliartornerannik pissuteqarnerata nalornisigineqarneranik minnerunngitsumik pissuteqarpoq. Ilanngussaq 2 tassaavoq NAFO-mit siunnersuutit tuluttut eqikkarneri. Pinngortitaleriffik ataatsimik allakkiorsimavoq saqqummiussaqaarlunilu siunnersuinermit tunngavineqartunik.

Inussiarnersumik inuulluaqqusillunga

Helle Siegstad